



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.  
Canonum In Alma, Catholica, Et Episcopali Universitate Dilingana  
Professore Qvondam Ordinario, Prælectionibus Academicis Illustrati

**Laymann, Paul**

**Dilingæ, 1673**

Capitulum VIII. Dilecti filii.

---

[urn:nbn:de:hbz:466:1-62587](#)

clinatoria fori, eum non obligari, ut compareat, quia quæ notoria sunt, allegatione non agent, vt videre est apud Felin, in e. Cum ordinem. n. 8. de scriptis.

## CAPITULUM VIII.

## Dilecti filii.

## PARAPHRASIS.

Cum Marcus in Priorem Ecclesiæ Gangrenæ electus esset, tres Canonici electione se opposuerunt, quamobrem Marcus contra illos, Iudices delegatos impetravit à Pontifice; coram his comparentes Canonici exceperunt contra Marcum, quod cùm in excommunicatione esset, & in periurii crimine actio & petitio eius recipi non deberet, sed Marcus replicauit, duos ex illis Canonicis etiam excommunicatos esse, tertium autem periurum, idemque ipsorum exceptionem reiciendam. Contra opposuit Procurator trium Canonicorum, replicationem istam frustra afferri, quia tametsi probata esset, non tamen Canonicos à defensione Ecclesiæ suæ repelleret. Adiecit discrimen esse inter obiectam exceptionem & vicissim ingestam replicationem, quia si exceptio contra Marcum probata fuerit, eum repellat actione; at verò replicatio tametsi probata fuerit, non repellat Canonicos à defensione. Nihilominus Iudices interlocutoriè pronunciârunt, priùs esse recipiendas probationes super replicatione, sed Marcus contra interlocutionem appellauit ad Innoc. III. qui resp. si ita se res habeat, in irritum esse reuocanda, quæ post appellationem gesta sunt.

## SUMMARIUM.

1. *Replicatio non exclusiva exceptionis, & hoc actionis repellendi debent, alias appellari possunt.*
2. *Prelato aut Rectori electo confirmationem petenti, si de eadem Ecclesia aliqui se opponant per exceptionem excommunicationis, vel criminis repellendi nequeant.*
3. *Preferendit tamen non criminosi, se adessent, qui opponere vellent, Excommunicationis ab*

*excommunicatione absoluendi vel repellendi, si obstinate ab ea absoluvi nolent.*

**N**ota I. Replicatio reiici debet tantumquam utilis, si talis sit, ut tametsi probata fuerit, exceptionem non excludat, nam sicuti ad omnem exceptionem (intellige peremptoriam) requiritur, ut per eam excludatur actio sive intentio ac jus agentis, ita ad omnem replicationem requiritur, ut oppositionam exceptionem elidat, quare cùm generaliter loquendo nemo admitti debeat ad probandum, quod probatum non releuat. *Ad probationem. 21. C. de probationibus.* ubi gl. ait: id debet quis probare, quo probato juvatur; replicatio autem nisi exceptionem elidat, replicantem non adiuuat, sicuti nec exceptio excipientem, nisi actionem elidat, id est sequitur, quod replicatio non exclusiva exceptionis, sicuti & exceptio non exclusiva actionis repellendi debent, alioquin contra Iudicem appellari possit.

Nota II. Si Prelato, aut Rectori electo confirmationem petenti, qui ex eadem Ecclesia sunt, se opponant, inhabilitatem eius allegantes, non possunt hi per exceptionem excommunicationis, aut criminis repellendi. Ita cum glossa hinc verb. defendendo, docent Hostiens. Abb. Alexand. Felin. & alii contra Innoc. c. Cum inter. hoc. tit. Qui respondet ad istud c. Canonicos fuisse reos necessariò cùm fuerint tracti ad judicium à Marco, verum extenu & casu huius Capituli satis colligitur, Canonicos se priùs electioni opposuisse, at verò Marcum causam ad Curiam Romanam derinasse, atque Iudices delegatos impetrasse, coram quibus per actionem confessoriæ volebat declarari, se legitimè electum fuisse, at verò Canonici repellebant illum ab omni actione circa jus electionis intentanda, aut scriptum impetrandum cùm esset excommunicatus & periurus. Hanc autem exceptionem repellendi non posse, ait Pontifex, per replicationem, quia & ipsi excipientes excommunicationi sunt, aut periuri, quia tametsi id probatum esset, nihilominus exceptioni pro defensione Ecclesiæ obiectæ locus foret.

Neque his obstat Cap. Exhibita 19:

g g g 2 de

*de iudicio*: vbi admittitur exceptio, quam electus obiecit, Canonicis se opponentibus, dicens eos in excommunicatione esse constitutos; nam respondeo cum gl. hic, verb. excommunicationem, casus esse diuersos, si enim Canonici ultra agant, ut elecione cassetur, tunc obiici ipsis potest excommunicatione, ut repellatur ab actione; sin autem ipse met electus confirmationem petat, & ideo compareant aliqui pro defensione Ecclesiae, qui ostendere velint esse indignum, non potest illis obiici excommunicatione, aut crimen; si enim in tali casu excommunicato concessum est, ut se opponat pro jure proprio tuendo, vt dixi in e. *Cum inter. hoc tiz.* multo magis pro jure, quod ipsis cum pluribus aliis commune est, ne Prælatum indignum accipere cogatur.

Veruntamen si alii ad sint non criminosi, qui se opponere & inhabilitatem probare velint, haud dubiè præferri debent; dein si excommunicati absoluuntur tunc possint, absolutio iis conferenda, priusquam admittantur; sin autem absolutionem obstinatè petere vel accipere renuant, ideoque in crimine perseverent, tunc in hoc casu validè probabilis est sententia Innoc. III. eos mox repellendos esse, cum non bono Zelo Ecclesiae suæ defendendæ procedere videantur.

### CAPITVLVM IX. Apostolicæ.

#### P A R A P H R A S I S.

Cum Archiepiscopi Pragensis electione celebrata esset, & eam aliqui impedire vellet, duo Canonici Romani se contulerunt, ut electionis causam & Episcopi electi confirmationem promouerent, sed obiectum ipsis fuit, quod sententia suspensionis & amotionis à beneficiis latæ essent in ipsos, tunc replicaverunt Canonici, quod sententia irrita fuerint, & ad hoc probandum per testes & instrumenta se obtulerunt, tunc Gregor. IX. respondit: Ne Pragensis Ecclesiae ordinatio per eiusmodi objectionem seu exceptionem diutius retardetur, se sententias illas relaxare ad cautelam.

#### S V M M A R I V M.

1. *Canonicus suspensus ab officio, & depositus à beneficio, non potest proprio nomine agere pro iuribus Ecclesiae.*
2. *Ordinarius propter utilitatem publicam, etiam non requisitus à parte, absolutionem aut relaxationem sententia ad cautelam, ex alto prius juramento parendi Ecclesia mandatis impetrari potest.*

**N**OTA I. *Canonicus suspensus ab officio & depositus à beneficio, non potest proprio nomine agere pro iuribus Ecclesiae, videlicet ut Episcopus electus confirmetur: ita gloss. hic, verb. contingenter in fin. Cùm enim suspensus ab officio non possit eligere, nec eligi. c. Cum dilectus. 8. de consuetudine. ideoque jure capitulari priuatus sit, & multo magis ille, qui à beneficio Canonicatus depositus, siue eo priuatus est, hinc sequitur, quod suo nomine agere non possit, ut electio confirmetur, cùm eius interesse non censeatur, dixi autem quod nomine proprio siue ut Canonicus agere non possit pro causa electionis; at verò ex mandato Capituli seu ut Procurator eius, agere non prohibetur, cùm à communione fideliuum propter suspensionem, aut priuationem amotus non sit, sicuti Abbas. hic monet. n. 4.*

Nota II. *Ordinarius propter utilitatem publicam, etiam non requisitus à parte, absolutionem aut relaxationem sententia ad cautelam exacto prius juramento patendi Ecclesia mandatis impetrari potest, argum. c. veniens: 28. de testibus: & dixi l. 1. tr. s. p. 1. c. 7. n. 3. solet autem absolutio, vel relaxatio ad cautelam conferri (videlicet ab eo, qui etiam absolute loquendo absoluendi potestatē habet) quoniam dubium & incertum est, utrum censura contracta sit nec ne, ut in casu huius cap. cū Canonici negarent sententias validè latas esse, atque id cognosci statim non poterat, moram autem longam trahere cum Ecclesiæ detrimento, consultum non erat.*

### CAPITVLVM X. Dilectæ.

P A R A P H R A S I S.  
Controversia de decimis & aliis rebus erat  
inter